



კავკასიის უნივერსიტეტი

კავკასიის სახელმწიფო მართვის სკოლა

საგანმანათლებლო პროგრამის დასახელება	
დიპლომატია და საერთაშორისო ურთიერთობები	
საგანმანათლებლო პროგრამის დასახელება ინგლისურ ენაზე	
Diplomacy and International Relations	
უმაღლესი აკადემიური განათლების საფეხური	
მაგისტრატურა	
საგანმანათლებლო პროგრამის ტიპი	
აკადემიური პროგრამა	
სწავლების ენა	
საგანმანათლებლო პროგრამაზე სწავლება მიმდინარეობს ქართულ და ინგლისურ ენებზე	
მისანიჭებელი კვალიფიკაცია	
ქართულად:	საერთაშორისო ურთიერთობათა მაგისტრი
ინგლისურად:	Master of International Relations
პროგრამის ხელმძღვანელი	თანახელმძღვანელები: ასოცირებული პროფესორი, დოქტორი თორნიკე თურმანიძე საერთაშორისო ურთიერთობების დოქტორი სერგი კაპანაძე
პროგრამის მოცულობა კრედიტებით	
დიპლომატიის და საერთაშორისო ურთიერთობების სამაგისტრო საგანმანათლებლო პროგრამა მოიცავს 120 ECTS კრედიტს, წელიწადში – 60-65 ECTS კრედიტს, სემესტრში – 28-35 ECTS კრედიტს. შესაბამისად, სამაგისტრო პროგრამის სავარაუდო ხანგრძლივობა შეადგენს 2 წელს (დასაშვები ხანგრძლივობაა 5 აკადემიური წელი). სასწავლო წელი აგებულია სემესტრული პრინციპით. ერთი სემესტრი მოიცავს 19 (21–	

დასკვნითი გამოცდის გადაბარების შემთხვევაში) სასწავლო კვირას, შესაბამისად სასწავლო წელი დაგეგმილია 38 (42) კვირაზე. სწავლა ასევე შეიძლება განხორციელდეს ზაფხულის სემესტრშიც სკოლის საბჭოს გადაწყვეტილების შესაბამისად. ზაფხულის სემესტრი შედგება 6 სასწავლო კვირისგან, სადაც სტუდენტმა შეიძლება დააგროვოს მაქსიმუმ 15 ECTS კრედიტი.

1 ECTS კრედიტი უდრის 25 კრედიტ-საათს, რაც მოიცავს, როგორც სტუდენტის საკონტაქტო დატვირთვის დროს (ლექცია, სემინარი, პრაქტიკუმი და სხვა), ასევე მისი დამოუკიდებელი მუშაობის დროს (შუალედური და საბოლოო შეფასებისათვის, საშინაო დავალების მომზადების, სახლში წერითი დავალებების მომზადების (ესე, საკურსო, კვლევითი ნაშრომი), პრეზენტაციისათვის და განხვლილი მასალის მიმოხილვისთვის განკუთვნილ კრედიტ-საათებს.

დიპლომატიის და საერთაშორისო ურთიერთობების სამაგისტრო საგანმანათლებლო პროგრამის ვადის ამოწურვის შემდეგ აკადემიური დავალიანების მქონე სტუდენტს უფლება აქვს საგანმანათლებლო პროგრამის დასრულების მიზნით სწავლა განაგრძოს დამატებითი სემესტრის (არა უმეტეს 3 აკადემიური წლისა) განმავლობაში, სტუდენტის სტატუსის შენარჩუნებით.

დიპლომატიის და საერთაშორისო ურთიერთობების სამაგისტრო საგანმანათლებლო პროგრამა მოიცავს 120 კრედიტს, მათ შორის 44 ECTS – სპეციალობის სავალდებულო საგნების მოდული, 30 ECTS – კვლევის და პრაქტიკის მოდული (შეთავაზებულია 45 ECTS) და სპეციალობის არჩევითი საგნების მოდული, 46 ECTS (შეთავაზებულია 100 ECTS). არჩევითი საგნების მოდული შედგება უსაფრთხოების და საგარეო პოლიტიკის ბლოკისგან (70 ECTS) და საჯარო მმართველობის და პოლიტიკის ბლოკისგან (30 ECTS);

დიპლომატიის და საერთაშორისო ურთიერთობების სამაგისტრო საგანმანათლებლო პროგრამის სტუდენტისათვის სავალდებულოა სამაგისტრო ნაშრომის მომზადება და დაცვა, რომელიც მოიცავს 17 კრედიტს. სამაგისტრო ნაშრომზე მუშაობის პარალელურად სტუდენტი ვალდებულია გაიაროს სავალდებულო სამაგისტრო ნაშრომის კვლევის დიზაინი (3 ECTS). სამაგისტრო ნაშრომი და კვლევის დიზაინი შედის კვლევის და პრაქტიკის მოდულში.

დიპლომატიის და საერთაშორისო ურთიერთობების სამაგისტრო საგანმანათლებლო პროგრამა აძლევს სტუდენტს შესაძლებლობას არჩევითი მოდულის საგნების ნაცვლად აირჩიოს 10 ECTS თავისუფალი კრედიტი კავკასიის უნივერსიტეტის სხვა საგანმანათლებლო პროგრამებიდან, პარტნიორი უნივერსიტეტების საგანმანათლებლო პროგრამებიდან და ECTS კრედიტების მიმნიჭებელი სხვა პროგრამებიდან.

პროგრამაზე დაშვების წინაპირობა

კავკასიის სახელმწიფო მართვის სკოლის სამაგისტრო პროგრამაზე დაშვების წინაპირობაა ბაკალავრის ხარისხი, ერთიანი ეროვნული გამოცდების შედეგების მიხედვით საქართველოს განათლებისა და მეცნიერების მინისტრის ბრძანება, სტუდენტის აკრედიტირებულ უმაღლეს სასწავლებელში ჩარიცხვის შესახებ.

პროგრამაზე ჩასარიცხად აპლიკანტმა უნდა წარმოადგინოს ინგლისური ენის B1 დონის დამადასტურებელი სერტიფიკატი, ან ამ ცოდნის დადასტურება უნდა შეძლოს დიპლომის დანართით, ან გაიაროს ინგლისურ ენაში შიდასაუნივერსიტეტო გასაუბრება/ტესტირება, რომლის შეფასების კრიტერიუმები დგინდება წინასწარ, სკოლის საბჭოს მიერ. აპლიკანტები, რომლებსაც დასრულებული აქვს ინგლისურენოვანი საბაკალავრო ან/და სამაგისტრო პროგრამები, თავისუფლდებიან აღნიშნული სერტიფიკატის და შიდასაუნივერსიტეტო გასაუბრება/ტესტირების ვალდებულებისაგან.

სხვა უმაღლესი სასწავლებლიდან სტუდენტის კავკასიის სახელმწიფო მართვის სკოლაში გადმოსვლისას სურვილის შემთხვევაში, საკითხს შეისწავლის პროგრამის დირექტორი და სკოლის დეკანი ინგლისურ ენაში ზემოთ დათქმული პირობების გათვალისწინებით, გადაწყვეტილება სტუდენტის მობილობის შესახებ ფორმდება უნივერსიტეტის პრეზიდენტის ერთიან ბრძანებაში.

პროგრამის მიზანი	სახელმწიფო მართვის სკოლის დიპლომატიის და საერთაშორისო ურთიერთობების სამაგისტრო პროგრამის მიზანია საერთაშორისო ურთიერთობების სპეციალისტებისა და პროფესიონალი დიპლომატებისთვის დამახასიათებელი ცოდნისა და უნარების მქონე ახალგაზრდების აღზრდა, რომლებიც აღჭურვილნი იქნებიან უახლესი თეორიული ცოდნით და პრაქტიკული უნარ-ჩვევებით.
პროგრამის სწავლის შედეგი	დიპლომატიის და საერთაშორისო ურთიერთობების სამაგისტრო საგანმანათლებლო პროგრამის დასრულების შემდეგ კურსდამთავრებული დაეუფლება ზოგად და დარგობრივ კომპეტენციებს. შედეგად: ❖ კურსდამთავრებული ფლობს ღრმა თეორიულ ცოდნას საერთაშორისო ურთიერთობების, საერთაშორისო უსაფრთხოების, საგარეო პოლიტიკის, საერთაშორისო პოლიტიკური ეკონომიკის და მომიჯნავე დისციპლინებში; იცნობს უახლეს კვლევებს საერთაშორისო ურთიერთობებში, საგარეო პოლიტიკის ანალიზში, შედარებით პოლიტიკაში; აქვს საერთაშორისო ურთიერთობების სპეციალობის ფართო ცოდნა, რომელიც მოიცავს პოლიტიკური და საერთაშორისო ურთიერთობების თეორიის, საერთაშორისო პოლიტიკური ეკონომიკის, საერთაშორისო სამართლისა და უსაფრთხოების, რეგიონალური პოლიტიკის, საერთაშორისო ორგანიზაციების, დიპლომატიის თეორიის და პრაქტიკის, შედარებითი საგარეო პოლიტიკის თეორიების ღრმა და სისტემურ ცოდნას. ასევე, ამერიკის, ევროპის, რუსეთის, ახლო აღმოსავლეთისა და შავი და კასპიის ზღვების აუზების პოლიტიკის ცოდნას და მათ მიმართებას საქართველოსთან. ❖ აცნობიერებს საერთაშორისო პოლიტიკის არსს და საერთაშორისო სისტემის მნიშვნელობას, ასევე ამ სისტემაში სხვადასხვა წამყვან აქტორებს შორის არსებული ურთიერთობების მოტივებს, მიზნებს და შედეგებს. ესმის ამ ურთიერთობებში დიპლომატიის მნიშვნელობა და როლი. ❖ იცის დიპლომატიური მოლაპარაკებების სფეროში არსებული პრობლემები, განსაკუთრებით, ისეთი საკითხები, რომლებიც პირდაპირ ეხება საქართველოს, რუსეთის ფედერაციას, და ჩვენი სტრატეგიული პარტნიორების და რეგიონის სახელმწიფოების ინტერესებს. ❖ აცნობიერებს პატარა ქვეყნის სტრატეგიულ ფუნქციას და იცის საქართველოს, როგორც პატარა სახელმწიფოს მნიშვნელობა და ადგილი თანამედროვე საერთაშორისო სისტემაში; აქვს საერთაშორისო ურთიერთობების სისტემისა და სტრუქტურის ცოდნა და ამ სისტემაში საქართველოს ფუნქციის აღქმა. ❖ აცნობიერებს საერთაშორისო პოლიტიკური პროცესების კომპლექსურ ხასიათს და მათ გავლენას ქვეყნის ეროვნულ უსაფრთხოებასა და ეროვნულ ინტერესებზე. ❖ იცის საერთაშორისო ურთიერთობების შემსწავლელი დომინანტი სამეცნიერო თეორიები (რეალიზმი/ნეორეალიზმი, თავდასხმითი და თავდაცვითი რეალიზმი, იდეალიზმი, ლიბერალიზმი, კონსტრუქტივიზმი, ლიბერალური ინსტიტუციონალიზმი, კრიტიკული თეორიები, მათ შორის, გენდერის თეორია, მარქსიზმი, სტრუქტურალიზმი და სხვა.) ❖ აქვს მსოფლიოში და ევროპაში არსებული საერთაშორისო ორგანიზაციების, მათ შორის, ევროკავშირის ინსტიტუტების ღრმა ცოდნა; აქვს ამ ორგანიზაციებში მიმდინარე დიპლომატიური პროცესების და გადაწყვეტილებების მიღების წესების ცოდნა; ❖ აცნობიერებს გლობალიზაციის თანმხლებ პროცესებს და საერთაშორისო უსაფრთხოების მთავარ გამოწვევებს; საერთაშორისო სისტემაში მიმდინარე პროცესებს და საერთაშორისო პოლიტიკაში მოქმედ კანონზომიერებებს;

დასაქმების სფეროები	დიპლომატიისა და საერთაშორისო ურთიერთობების განხრით სოციალურ მეცნიერებათა მაგისტრი შესაძლებელია დასაქმდეს ხელისუფლების აღმასრულებელ და საკანონმდებლო შტოებში, საერთაშორისო ორგანიზაციებში, ასევე არასამთავრობო სექტორში, სხვადასხვა პროფილის მქონე კერძო ორგანიზაციებში, მასობრივი ინფორმაციის საშუალებებში, სასწავლო დაწესებულებებში, განსაკუთრებით იმ თანამდებობებზე, რომლებიც დაკავშირებულია საგარეო და საერთაშორისო კავშირების დამყარებასთან.
-----------------------------------	---

სტუდენტის ცოდნის შეფასების სისტემა	დიპლომატიის და საერთაშორისო ურთიერთობების სამაგისტრო საგანმანათლებლო პროგრამით შემოთავაზებული სასწავლო კურსების დაუფლება სწავლების პროცესში სტუდენტთა აქტიურ მონაწილეობას ითვალისწინებს და შემენილი ცოდნის უწყვეტი შეფასების პრინციპს ეფუძნება. განვლილი სასწავლო კურსის პროგრამით გათვალისწინებული საკითხების ათვისება შეფასებული იქნება 100 ქულიანი სისტემით, რომელიც სასწავლო პროცესში ჩართული კომპონენტების წილისგან შედგება. სტუდენტის სემესტრის განმავლობაში გაწეული შრომის შეფასება გარკვეული შეფარდებით ითვალისწინებს: ➤ მიმდინარე შეფასებებს; ➤ დამოუკიდებელი მუშაობის შეფასებას; ➤ შუასემესტრულ შეფასებას; ➤ საბოლოო გამოცდის შეფასებას. სტუდენტების ცოდნის შეფასებისათვის გამოიყენება როგორც ზეპირი, ასევე წერიტი (ტესტი, ღია კითხვები, საკურსო ნაშრომი, კვლევა, ესე და ა.შ) გამოკითხვა. აუცილებელი მოთხოვნაა სამინაო დავალების მომზადება და მისი პრეზენტაცია. შეფასების კომპონენტები და მათი ხვედრითი წილი ასახული იქნება კონკრეტული სასწავლო კურსის სილაბუსში და ეცნობება სტუდენტს სასწავლო სემესტრის დასაწყისში. შეფასების სისტემაში ქულები გადანაწილება შემდეგი სქემის მიხედვით: (A) ფრიადი - მაქსიმალური შეფასების 91%-100% (B) ძალიან კარგი - მაქსიმალური შეფასების 81% – 90%. (C) კარგი - მაქსიმალური შეფასების 71% – 80 %. (D) დამაკმაყოფილებელი - მაქსიმალური შეფასების 61% – 70%. (E) საკმარისი - მაქსიმალური შეფასების 51% – 60%. თუ სტუდენტმა ვერ დააგროვა დადებითი შეფასებისთვის საკმარისი ქულათა ჯამი, მაგრამ მის მიერ მოპოვებული ქულები შეადგენს ან აღემატება მაქსიმალური შეფასების 41%-ს, მას ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება. მაქსიმალური შეფასების 40% და ნაკლები შეფასების მიღება ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.
--	--

სწავლებისა და სწავლის მეთოდები	დიპლომატიის და საერთაშორისო ურთიერთობების სამაგისტრო საგანმანათლებლო პროგრამის კურიკულუმში დაბალანსებულია თეორიული და პრაქტიკული მეცადინეობები. ძირითადი აქცენტი კეთდება სტუდენტის ცოდნისა და ინფორმირებულობის გაზრდაზე, ანალიტიკური უნარების გამომუშავებაზე, მისი თანამედროვე ცოდნით აღჭურვილ პროფესიონალად ჩამოყალიბებაზე, მაგრამ ამავე დროს შესაბამისი დრო ეთმობა სტუდენტში თეორიული ცოდნის რეალურ ცხოვრებაში გამოყენების უნარების გამომუშავებას. სწორედ ამ მიზანს ემსახურება სასწავლო პროცესში მოწვეული სტუმრების
--	--

პრეზენტაციების, დისკუსიების, სემინარებისა, ერთდღიანი ლექციების და მრგვალი მაგიდების ჩართვა, რომელიც სტუდენტებს აძლევს საშუალებას დაესწრონ გამოცდილი ადგილობრივი თუ უცხოელი პრაქტიკოსების საუბრებს და ინფორმაცია მიიღონ იმ მიდგომებზე, მეთოდებზე, ტენდენციებზე, რომლებიც დღეს აქტიურად გამოიყენება საერთაშორისო ურთიერთობებში. ლექციებზე და ნებისმიერი ტიპის სემინარებზე განსაკუთრებული ყურადღება ეთმობა საქართველოს ადგილისა და როლის განხილვას საერთაშორისო თანამეგობრობის კონტექსტში. პროგრამის ბოლოს სტუდენტმა საკუთარი შეხედულებისამებრ უნდა მოამზადოს სამაგისტრო ნაშრომი, სადაც იგი გამოიყენებს მიღებულ თეორიულ ცოდნასა და კვლევის უნარ-ჩვევებს.

სწავლის პროცესში კონკრეტული სასწავლო კურსის სპეციფიკიდან გამომდინარე გამოიყენება სწავლების ისეთი მეთოდები, როგორებიცაა ვერბალური, ანუ ზეპირსიტყვიერი მეთოდი, წიგნზე მუშაობის მეთოდი, წერითი მუშაობის მეთოდი, დემონსტრირების მეთოდი, დისკუსია/დებატების მეთოდი, ჯგუფური (collaborative) მუშაობის მეთოდი, შემთხვევის ანალიზის (Case study) მეთოდი, როლური და სიტუაციური თამაშების მეთოდი, ახსნა-განმარტებითი მეთოდი, ქმედებაზე ორიენტირებული სწავლების მეთოდი, ელექტრონული სწავლების (learning) მეთოდი, აგრეთვე პრაქტიკული მეთოდები და სხვა. სწავლება-სწავლის პროცესში მეთოდები ერთმანეთს ავსებენ და ერთმანეთში გადადიან. კონკრეტული სასწავლო კურსის სწავლება-სწავლის მეთოდები ასახული იქნება შესაბამისი სასწავლო კურსის სილაბუსში.

პროგრამის სასწავლო კურსები

სასწავლო კურსის დასახელება	სასწავლო კურსის აღწერა	სავალდებულო/ არჩევითი	ECTS კრედიტი	სწავლების სემესტრი
მოდული – სპეციალობის სავალდებულო საგნები				
1. პოლიტიკური თეორია	კურსის ფარგლებში სტუდენტები შეისწავლიან ანტიკური ეპოქის პოლიტიკურ თეორიებს პლატონისა და არისტოტელეს პოლიტიკურ შეხედულებებს. ციცერონის პოლიტიკურ ფილოსოფიას. შუა საუკუნეების მოაზროვნეების - ნეტარი ავგუსტინე, ალ ფარაბი, თომა აქვინელი - პოლიტიკურ თეორიებს. ნიკოლო მაკიაველის პოლიტიკური და ადამიანური მორალის დეფინიციის საკითხებს. ახალი დროის მოაზროვნეთა პოლიტიკური, სოციალურ და სახელმწიფოებრივ თეორიებს ჯონ ლოკის, თომას ჰობსის, ჟან ჟან რუსოს, იმანუელ კანტისა და სხვათა მოძღვრებათა საფუძველზე.	სავალდებულო	7	I
2. პოლიტიკური კომუნიკაცია	პოლიტიკური კომუნიკაციის კურსი სტუდენტებს აძლევს როგორც თეორიულ ცოდნას, ასევე პრაქტიკული რეალობის ანალიზისა და უკეთ გაგების ინსტრუმენტარს.	სავალდებულო	5	I
3. ეკონომიკა	კურსი შედგება ორი ნაწილისაგან: ეკონომიკის სახელმწიფო მართვის მიკროეკონომიკური და მაკროეკონომიკური პრინციპებისაგან. განხილულია სახელმწიფოს მიერ როგორც ბიზნეს საქმიანობის, ასევე სექტორული ეკონომიკის რეგულირების, მართვის ბერკეტები და ფუნქციები, ასევე სახელმწიფო სტაბილურობის, სხვადასხვა ეკონომიკური და ფინანსური რისკების თავიდან აცილებისა და რაციონალური სახელმწიფო პოლიტიკის ფორმირების კონცეპტუალური საკითხები.	სავალდებულო	5	I
4. საერთაშორისო ურთიერთობების თეორია	სასწავლო კურსი წარმოადგენს საერთაშორისო ურთიერთობების რჩეული თეორიული სკოლების მიმოხილვას. კურსი ასევე მიმოიხილავს სხვა თემატურ, თუ პრაქტიკულ საკითხებს, როგორიცაა საგარეო და საშინაო პოლიტიკებს შორის კავშირი, გლობალიზაცია, კლიმატის ცვლილება, ადამიანის უფლებები და ამ პროცესების თეორიული ანალიზი.	სავალდებულო	6	II
5. საერთაშორისო უსაფრთხოება	სასწავლო კურსის განმავლობაში სტუდენტები გაეცნობიან საერთაშორისო უსაფრთხოების რაობას, მის მრავალგანზომილებიან ხასიათს, სუბიექტებსა და უსაფრთხოების მიღწევის საშუალებებს. შეისწავლიან საერთაშორისო უსაფრთხოების ტრადიციული და შედარებით ახლად წარმოჩენილ თეორიებს, საერთაშორისო უსაფრთხოების სიტემის მთავარ უნივერსალურ და რეგიონალურ საერთაშორისო ინსტიტუტებს, მათ კომპეტენციებსა და როლს	სავალდებულო	6	II

	ხსენებულ სიტემაში, ამ ინსტიტუტების მუშაობის წესს.			
6. საერთაშორისო სამართალი	კურსი განიხილავს და შეისწავლის საერთაშორისო სამართალსა და ორგანიზაციას თანამედროვე საერთაშორისო ურთიერთობების კონტექსტში. საერთაშორისო სამართალი წარმოდგენილია როგორც მისი ღირებულებითი (აქსიოლოგიური), ნორმატიული და ინსტიტუციური ასპექტების ერთობლიობა და ერთგვარი კონცეპტუალური ჩარჩო თანამედროვე საერთაშორისო ურთიერთობებისა და ახალი გამოწვევების გასაანალიზებლად განსაკუთრებით საქართველოსთან მიმართებაში.	სავალდებულო	5	III
7. კონფლიქტების მართვა და მოლაპარაკებები	კურსი მიზნად ისახავს ამ ორი – თეორიული და პრაქტიკული ასპექტის შერწყმას. კურსის მიზანია შეასწავლოს სტუდენტებს საერთაშორისო მოლაპარაკებების წარმოებისათვის აუცილებელი თვისებები, ასევე ის თეორიული წანამდვარები, რისი ცოდნაც აუცილებელია მომლაპარაკებლის მიერ საკუთარი მიზნების მისაღწევად.	სავალდებულო	5	III
8. ნაციონალიზმი საერთაშორისო ურთიერთობებში	კურსი ითვალისწინებს ნაციონალიზმის ძირითადი საკითხებისა და საერთაშორისო ურთიერთობებზე მისი გავლენის შესახებ სტუდენტის ცოდნის ფორმირებას, უნარების განვითარებას და განწყობილებების ჩამოყალიბებას.	სავალდებულო	5	III
სპეციალობის არჩევითი საგნების მოდული				
9. თანამედროვე პოლიტიკური ფილოსოფია	მოცემული კურსი ითვალისწინებს ანგლო-ამერიკული პოლიტიკური ფილოსოფიის ძირითადი ავტორების და მათ შორის მიმდინარე დებატების სტუდენტებისთვის გაცნობას.	არჩევითი	6	II
10. დიდი ქვეყნების საგარეო პოლიტიკა	კურსის მიზანია, გააცნოს სტუდენტებს წამყვანი სახელმწიფოების საგარეო პოლიტიკის ძირითადი მიმართულებები, პრიორიტეტების დასახვის პროცესები და საგარეო პოლიტიკური მიზნების მისაღწევად მათ ხელთ არსებული ინსტრუმენტები.	არჩევითი	5	I
11. ევროპული ინსტიტუტები	კურსი მიმოიხილავს ევროპის კონტინენტზე მოქმედ ძირითად უსაფრთხოების ინსტიტუტებს და მათ წვლილს საერთაშორისო და ევროპული უსაფრთხოების საქმეში. განხილული იქნება ნატოს, ეუთოს, ევროსაბჭოს და ევროკავშირის ინსტიტუციური მოწყობა და ამ ორგანიზაციების ძირითად ინსტიტუტებში გადაწყვეტილებების მიღების წესები.	არჩევითი	5	I
12. რეგიონული პოლიტიკა	კურსის მიზანია წარმოაჩინოს რეგიონალური და გლობალური უსაფრთხოების გეოპოლიტიკა, არსებული საფრთხეები და მათი გადაჭრის გზები. კურსის მსვლელობისას სტუდენტებს მიეცემათ საშუალება მიიღონ ცოდნა გეოპოლიტიკისა და უსაფრთხოების მნიშვნელოვან საკითხებზე და პრობლემებზე, თეორიებზე და რეგიონში თუ საერთაშორისო დონეზე	არჩევითი	5	I

	მიმდინარე სიახლეებზე და განვითარებულ პროცესებზე.			
13. გლობალიზაცია და გლობალური პრობლემები	კურსი ითვალისწინებს გლობალიზაციისა და გლობალური პრობლემების ძირითადი საკითხების შესახებ სტუდენტის ცოდნის ფორმირებას, უნარების განვითარებას და განწყობილებების ჩამოყალიბებას.	არჩევითი	5	I
14. გეოპოლიტიკა	კურსის მიზანია, რომ სტუდენტებმა შეისწავლონ გეოპოლიტიკასთან დაკავშირებული ძირითადი ცნებების, კონცეფციების, მიდგომების და ლიტერატურის ცოდნა. სტუდენტებს ექნებათ საშუალება სიღრმისეულად გაეცნონ აშშ-ში, გერმანიაში, დანარჩენ ევროპაში, რუსეთში და განვითარებად ქვეყნებში არსებულ დომინანტურ გეოპოლიტიკურ თეორიებს და მიდგომებს. განმავლობაში გეოპოლიტიკური თეორიების ჭრილში განიხილავენ კავკასიაში არსებულ პრობლემებს, და საქართველოს ურთიერთობებს როგორც რუსეთის ფედერაციასთან, ევროკავშირთან და აშშ-სთან, ისე ამ აქტორების ინტერესებს ჩვენს რეგიონში და ერთმანეთის მიმართ.	არჩევითი	5	II
15. აშშ-ის მთავრობა და საგარეო პოლიტიკა	კურსის მიზანია, რომ სტუდენტები გაერკვნენ აშშ-ში მთავრობის როლსა და ფუნქციებში, ასევე მთავრობის ისტორიული განვითარების ლოგიკაში და სხვადასხვა პარტიების მიერ პოლიტიკურ პროცესებში შეტანილ წვლილში. კურსში განსაკუთრებული ადგილი დაეთმობა „თავისუფლების“, როგორც ყოველდღიურობის ფენომენის კონცეფციას, რომელიც ჩადებულია დღიურ საქმიანობაში და აშშ-ის კონსტიტუციურ მოწყობაში.	არჩევითი	5	II
16. საქართველოს საგარეო და უსაფრთხოების პოლიტიკა	კურსის მიზანია სტუდენტს მიაწოდოს ემპირიული ინფორმაცია 1991-2005 წლებში საქართველოს საგარეო და უსაფრთხოების პოლიტიკის განვითარების შესახებ. ასევე იქნება საუბარი საქართველოს ურთიერთობებზე მეზობელ სახელმწიფოებთან და რეგიონის წამყვან ძალებთან.	არჩევითი	5	II
17. ომის თეორია და ისტორია	მოცემული კურსი ითვალისწინებს საერთაშორისო ურთიერთობების ერთ-ერთი მნიშვნელოვანი მოვლენის - ომის - არსისა და თავისებურებების სტუდენტებისთვის გაცნობას. აღნიშნული ფენომენის სხვადასხვა ტიპების, მისი გამომწვევი მიზეზებისა, თეორიული ხედვების შესახებ ინფორმაცია შექმნის საჭირო ბაზისს, რომელზე დაყრდნობითაც სტუდენტებს შეეძლება საერთაშორისო ასპარეზზე მიმდინარე, ან უკვე მომხდარი კონფლიქტების ანალიზი.	არჩევითი	5	III
18. საერთაშორისო პოლიტიკური ეკონომიკა	სასწავლო კურსის მიზანია სამაგისტრო პროგრამის სტუდენტებისათვის საერთაშორისო არენაზე პოლიტიკისა და ეკონომიკის ურთიერთქმედების, საერთაშორისო მონეტარული, ფინანსური და სავაჭრო ურთიერთობების ევოლუციისა და კანონზომიერებების, სახელმწიფოსა და ტრანსნაციონალური კორპორაციების ურთიერთობების თაობაზე თეორიული ცოდნის ფორმირება.	არჩევითი	5	III

19. საერთაშორისო ვაჭრობა და ფინანსები	სასწავლო კურსში განხილულია საერთაშორისო ეკონომიკის ფუნქციონირების ისეთი მნიშვნელოვანი საკითხები როგორიცაა: საერთაშორისო ვაჭრობის კონცეფციები და თანამედროვე ტენდენციები, საერთაშორისო სავაჭრო პოლიტიკის თავისებურებები, სავაჭრო შეთანხმებები საერთაშორისო და რეგიონულ დონეზე, სავაჭრო პოლიტიკის ინსტრუმენტები და მათი ევოლუცია, ვაჭრობისა და ეკონომიკური განვითარების ურთიერთმიმართება, ასევე ფინანსური გლობალიზაციის, სავალუტო კურსების, ევროზონის ფუნქციონირებისა და საერთაშორისო სავალუტო კრიზისებთან დაკავშირებული საკითხები.	არჩევითი	5	IV
20. დიპლომატიური პროტოკოლი და ეტიკეტი	ეს კურსი არის კარგი გზამკვლევი დღევანდელი საქმიანი ურთიერთობებისათვის. იგი მოიცავს შემდეგ თემებს: სოციალური ქცევა, დიპლომატიური ეტიკეტი, საერთაშორისო პროტოკოლი, ვიზიტები და სხვადასხვა ღონისძიებების დაგეგმვა.	არჩევითი	5	IV
21. სამხრეთ კავკასია და ახლო აღმოსავლეთი	კურსი მიზნად ისახავს, რომ სტუდენტებმა შეისწავლონ ახლო აღმოსავლეთში და სამხრეთ კავკასიაში მიმდინარე პოლიტიკური პროცესების გაანალიზება და ახლო აღმოსავლეთს და სამხრეთ კავკასიის რეგიონებს შორის არსებული პოლიტიკური, ეკონომიკური და კულტურული კავშირების გაანალიზება.	არჩევითი	5	IV
22. ენერგორესურსების გეოპოლიტიკა	კურსის მიზანია მოახდინოს სტუდენტების ყურადღების ფოკუსირება მსოფლიოში მიმდინარე ენერგეტიკული პროცესების შესახებ. სტუდენტები ყურადღებას გაამახვილებენ ისეთ საკითხებზე, როგორიც არის ბუნებრივ რესურსებთან დაკავშირებული დავები, საზღვაო სივრცე და საზღვაო საზღვრების დელიმიტიზაცია, ჰიდრო რესურსები და მათ ირგვლივ არსებულ დავები, მათი გადაჭრის მექანიზმები, რეგიონონალური და გლობალური დავები ჰიდროკარბონატებზე (ნავთობი, გაზი, ა.შ.).	არჩევითი	5	IV
23. საერთაშორისო ორგანიზაციები	კურსის მიზანია აჩვენოს სტუდენტებს საერთაშორისო ორგანიზაციების, რეჟიმებისა და ინსტიტუტების როლი ადგილი და პროცესი საერთაშორისო პოლიტიკაში. კურსი უპირველეს ყოვლისა მიმოიხილავს საერთაშორისო ორგანიზაციების თეორიულ საფუძვლებს.	არჩევითი	5	III
24. საერთაშორისო კონფლიქტები და მშვიდობა	სასწავლო კურსი სტუდენტებს აცნობს საერთაშორისო კონფლიქტების შესწავლის ძირითად თეორიულ მიდგომებს საერთაშორისო ურთიერთობების დისციპლინისა და მშვიდობის კვლევების ფარგლებში. კურსი აანალიზებს როგორც სახელმწიფოთაშორისო კონფლიქტებს, ისე სახელმწიფოთა შიდა კონფლიქტებს, რომლებშიც საერთაშორისო მოქმედი პირები არიან ჩართული. სასწავლო კურსი ასევე მიმოიხილავს სხვადასხვა ტიპის საერთაშორისო კონფლიქტების (ომების, ეთნიკური კონფლიქტების და ა.შ.) შეჩერებისა და მხარეებს შორის მშვიდობის დაცვის, დამყარებისა და მშენებლობის გზებს.	არჩევითი	5	III

25. მშვიდობის თეორიები	კურსი ფოკუსირდება მშვიდობის თეორიულ და კონცეპტუალურ ჩარჩოებზე და დაეხმარება სტუდენტებს უკეთ გაიგონ მშვიდობის მშენებლობისა და კონფლიქტის ანალიზის რთული და მრავალმხრივი ბუნება. ასევე, როგორ არის ორგანიზებული სამშვიდობო საქმიანობა. განხილულ იქნება მშვიდობის თეორია, მშვიდობის მშენებლობა და სამოქალაქო საზოგადოების როლი მშვიდობის მშენებლობაში. მნიშვნელოვანი ადგილი დაეთმობა მშვიდობის პრობლემებთან დაკავშირებულ ეთიკურ საკითხებს, მშვიდობის მშენებლობის პოლიტიკური ეკონომიკას, გარდამავალ პერიოდში სამართლიანობის აღდგენის პრობლემებს. კურსი განიხილავს კონფლიქტის რაობას, ზოგადად ომის განზომილებებს და იმ მექანიზმებს, რომლებიც გამოიყენება თანამედროვე ეპოქაში ძალადობისა და კონფლიქტების წარმართვისას.	არჩევითი	5	III
საჯარო მმართველობისა და პოლიტიკის ბლოკი				
26. საჯარო ფინანსები და სახელმწიფო ბიუჯეტირება	სასწავლო კურსი ორიენტირებულია სახელმწიფო სექტორის ფუნქციონირების ისეთი მნიშვნელოვანი საკითხების შესწავლაზე, ასევე დეტალურად იქნება განხილული სახელმწიფოს ფისკალური და მონეტარული პოლიტიკა, საფინანსო სექტორის სახელმწიფო ზედამხედველობის საკითხები.	სავალდებულო	6	III
27. ცენტრალური და აღმოსავლეთ ევროპის ევროპეიზაცია	Course provides knowledge about the transformative processes that have taken place in Central and Eastern Europe as a result of region's approximation with the European Union. Course provides theoretical outlook on the process of Europeanization. At the same time it will look at different Policy areas where Europeanization was substantial and will examine case studies of particular countries. The course will also look at the accession process, identifying main milestones in the EU's relations with the neighboring countries.	სავალდებულო	5	I
28. საჯარო პოლიტიკის ანალიზი	კურსის განმავლობაში სტუდენტები შეისწავლიან საჯარო პოლიტიკის ანალიზის თეორიას და პრაქტიკულ მეთოდებს. გაეცნობიან საჯარო პოლიტიკის ანალიზის პროცესს, ძირითად ცნებებს და თეორიულ ჩარჩოს, ასევე პოლიტიკის კურსის ეტაპების ანალიზის პრაქტიკულ ინსტრუმენტებს და პოლიტიკის ბარათის შემუშავების მეთოდებს.	სავალდებულო	6	II
28. სახელმწიფო მართვა	კურსი მიმოიხილავს სახელმწიფო მართვის პოლიტიკურ, ეკონომიკურ, სოციალურ და კულტურულ ასპექტებს და მიზნად ისახავს სტუდენტებს მისცეს სისტემური ცოდნა სახელმწიფო სისტემის მოწყობის, საჯარო სექტორის ფუნქციონირების და საჯარო პოლიტიკის ძირითადი პრინციპებისა და თავისებურებების შესახებ.	სავალდებულო	6	II

29. აფხაზეთის კონფლიქტი	სასწავლო კურსის მიზანია დაეხმაროს კონფლიქტების მოგვარებით დაინტერესებულ სტუდენტებს უკეთ გაერკვნონ აფხაზეთის კონფლიქტის არსში, მის დეტალებსა და თავისებურებებში. კურსი ასევე მიზნად ისახავს გამოავლინოს კონფლიქტის დარეგულირების პროცესში მონაწილე სხვადასხვა აქტორების ინტერესების და პოზიციების გამოკვეთას.	სავალდებულო	4	III
30. პოლიტიკური ლიდერობა	სასწავლო კურსი კონცენტრირებულია მსოფლიო პოლიტიკის ერთ-ერთ აქტუალურ – პოლიტიკური ლიდერობის პრობლემებზე. კურსის ქვაკუთხედს წარმოადგენს წარსულსა და თანამედროვეობაში პოლიტიკური პროცესის განუყოფელი ნაწილის – პოლიტიკური ლიდერობის ფენომენის შესწავლა.	სავალდებულო	4	IV
31. სტრატეგიული მენეჯმენტი	კურსის განმავლობაში სტუდენტები შეისწავლიან სტრატეგიული მენეჯმენტის ცნებებს, სტრატეგიული მართვის თეორიებს, სტრატეგიული გეგმის შემუშავების ინსტრუმენტებს, სტრატეგიის განხორციელების ეტაპებს, მონიტორინგის და შეფასების მეთოდებს და გააცნობიერებენ სტრატეგიული გეგმის როლს ორგანიზაციაში გადაწყვეტილებების მიღების პროცესში.	სავალდებულო	5	IV
32. პროექტის მართვა	პროექტის მართვის კურსის მეშვეობით სტუდენტები შეისწავლიან პროექტის მენეჯმენტის როლს და მნიშვნელობას, პროექტის მენეჯმენტის პროცესს, პროექტის არსს და მიზნებს.	სავალდებულო	5	IV
კვლევისა და პრაქტიკის მოდული				
33. რაოდენობრივ და თვისობრივ მონაცემთა ანალიზი	კურსის მიზანია რაოდენობრივი მონაცემების და თვისობრივი მონაცემების შეგროვება, დამუშავება, ინტერპრეტაცია, მონაცემებზე დაყრდნობით შესაბამისი პრაქტიკული შეფასების და დასკვნების გამოტანა და ინტერპრეტაცია.	არჩევითი	5	III
34. აკადემიური წერა	კურსის მიზანია სტუდენტებს გამოუმუშავოს აკადემიური და კვლევითი ნაშრომების მომზადებისა და წარდგენის უნარები. სალექციო კურსი აგებულია საერთაშორისო პრაქტიკაში დამკვიდრებული პრინციპების გამოყენებით და მიმოიხილავს ტექსტზე მუშაობის ზოგად პრინციპებს, წერის პროცესის შეფასებას და წერისთვის მოსამზადებელი სამუშაოებს, ასევე წერის სხვადასხვა ჟანრებს.	არჩევითი	5	I
35. სტატისტიკური ანალიზი	კურსი მოიცავს საფუძვლიან ინფორმაციას იმის შესახებ, თუ როგორ უნდა შეგროვდეს სხვადასხვა სტატისტიკური მონაცემები, როგორ უნდა მოხდეს მათი პირველადი დამუშავება და ინტერპრეტაცია. აგრეთვე, როგორ უნდა მოხდეს ამ მონაცემების გააზრება, ანალიზი და ამ ანალიზის საფუძველზე დასაბუთებული დასკვნების გაკეთება.	არჩევითი	5	III

36. პრაქტიკა	სახელმწიფო მართვის სკოლის სამაგისტრო პროგრამების მიზნებიდან გამომდინარე, სახელმწიფო მართვის სკოლა სტუდენტებს უდგენს პრაქტიკულ და სამეცნიერო კვლევით კომპონენტებს, რომლებიც გულისხმობს საგნებისა და პრაქტიკის ორგანულ სინთეზს, სამაგისტრო ნაშრომის მომზადებისათვის სასურველ კვლევით და სასწავლო პრაქტიკას.	არჩევითი	5	III
37. კვლევის მეთოდები	კურსის მიზანია სტუდენტებს შეასწავლოს სოციალურ და პოლიტიკურ მეცნიერებებში გამოყენებული კვლევის თვისებრივი და რაოდენობრივი მეთოდები. კურსის წარმატებულად გავლის შემთხვევაში, სტუდენტმა უნდა შეძლოს თანამედროვე სამეცნიერო ლიტერატურაში არსებული ტენდენციებისა და მეთოდების გარკვევა და სამაგისტრო ნაშრომის მომზადება.	არჩევითი	5	I
38. სამაგისტრო ნაშრომის კვლევის დიზაინი	სამაგისტრო ნაშრომის კვლევის დიზაინი მიზნად ისახავს დაეხმაროს სტუდენტს სამაგისტრო ნაშრომის შექმნაში. კურსის განმავლობაში სტუდენტები ჩამოაყალიბებენ საკვლევ კითხვას, განავითარებენ ჰიპოთეზას, გამოყოფენ დამოკიდებულ და დამოუკიდებელ ცვლადებს, შეიმუშავებენ სამაგისტრო ნაშრომისთვის აუცილებელ მეთოდოლოგიას, შეარჩევენ შესაბამის თეორიულ სკოლას, რომელიც ხსნის მათ მიერ ჩამოყალიბებულ ჰიპოთეზას.	სავალდებულო	3	IV
39. სამაგისტრო ნაშრომი	კავკასიის უნივერსიტეტის სახელმწიფო მართვის სკოლის სამაგისტრო პროგრამების დასრულებისას მაგისტრანტი ქმნის სამაგისტრო ნაშრომს. სამაგისტრო ნაშრომი უნდა წარმოადგენდეს ინდივიდუალურად შესრულებულ თეზისს. სამაგისტრო ნაშრომში სტუდენტმა უნდა წარმოაჩინოს სპეციალიზაციის სფეროში შესრულებული თეზისი.	სავალდებულო	17	IV